

---

Na osnovu člana 48. Prečišćenog teksta Statuta Udruženja poslodavaca u FBiH Upravni odbor UPFBiH na svojoj 29. proširenoj sjednici u Sarajevu donosi:

### **ODLUKU**

**o osnivanju Grupacije poslodavaca iz oblasti drvne industrije pri Udruženju poslodavaca u Federaciji Bosne i Hercegovine**

#### **Član 1.**

U cilju unaprjeđenja rada, zastupanja i zaštite interesa članica te zaključivanja kolektivnih ugovora iz oblasti drvne industrije na području FBiH formirat će se Grupacija poslodavaca za djelatnost drvne industrije pri Udruženju poslodavaca FBiH (u daljem tekstu: Grupacija) kao oblik dobrovoljnog udruživanja članova Udruženja poslodavaca u Federaciji BiH.

#### **Član 2.**

Osnovni ciljevi grupacije su:

- kolektivno pregovaranje, te sudjelovanje u sklapanju kolektivnih ugovora kojima se uređuju pitanja iz radnih odnosa i u vezi s radnim odnosima u oblasti drvne industrije;
- zastupanje članova Grupacije u ESV-u;
- praćenje i izučavanje privrednih tokova iz ove djelatnosti,
- unaprjeđenje zajedničkog tržišnog i poslovnog nastupanja članica iz ove djelatnosti;
- ostvarivanje suradnje sa institucijama na nivou FBiH i zastupanje interesa članova Grupacije u oblasti drvne industrije;
- uključivanje u postupke donošenja zakonskih i podzakonskih akata koji se odnose na djelatnost drvne industrije;
- kao i druge aktivnosti od značaja za rad članica Grupacije.

#### **Član 3.**

Radi ostvarenja ciljeva iz prethodnog stava Grupacija će obavljati sljedeće djelatnosti:

- Kolektivno pregovaranje i zaključivanje granskog kolektivnog Ugovora za djelatnost drvne industrije,
- Predlaganje neophodnih zakonskih mjera za djelatnost drvne industrije,
- Zastupanje članstva u ESV-u,
- Davanje savjeta o problemima iz oblasti drvne industrije nadležnim organima vlasti kao i članovima Udruženja, na svoju inicijativu ili po zahtjevu,

- Obavlja i druge djelatnosti u skladu sa ciljevima Grupacije, koje su u skladu sa Statutom Udruženja i Poslovnikom.

#### **Član 4.**

Skupština Grupacije će donijeti Poslovnik o organizaciji i radu Grupacije kojim će se regulisati: ciljevi, djelatnost, naziv i sjedište, članstvo, organizacija, organi, način izbora tijela, odlučivanje, finansiranje i druga pitanja značajna za rad Grupacije.

#### **Član 5.**

Za donošenje novog ili promjenu postojećeg Poslovnika, Skupština Grupacije mora zatražiti saglasnost Udruženja poslodavaca FBiH.

#### **Član 6.**

Finansijska sredstva potrebna za rad Grupacije i njenih tijela osiguravaju se iz članarine Udruženja u okviru njegovog godišnjeg Finansijskog plana, koji usvaja Skupština UPFBiH.

#### **Član 7.**

Naziv Grupacije je: Grupacija poslodavaca iz oblasti drvne industrije pri Udruženju poslodavaca FBiH.

Sjedište Grupacije je u Sarajevu.

#### **Član 8.**

Ovlašćuje se Predsjednik UO da u saradnji sa direktorom UPFBiH i koordinatorom IO, u roku od 7 dana formiraju Inicijativni odbor u sastavu od 3 člana za osnivanje Grupacije.

#### **Član 9.**

Inicijativni odbor će uz tehničku i stručnu pomoć UPFBiH u roku od 15 dana pripremiti i sazvati Osnivačku Skupštinu Grupacije poslodavaca iz oblasti prehrambene industrije pri Udruženju poslodavaca u FBiH.

#### **Član 10.**

Obavezuje se Grupacija da zaključke, stavove, zapisnike i Odluke svih organa Grupacije dostavlja Udruženju poslodavaca u FBiH.

Član 11.

Ova Odluka stupa na snagu danom donošenja.

Sarajevo, 01. 07. 2015. godine  
Broj: I - 043/15

PREDSJEDNIK UPRAVNOG ODBORA

mr.sc. Safudin Čengić